

BOSNA I HERCEGOVINA
FEDERACIJA BOSNE I HERCEGOVINE
OPĆINA LUKAVAC
OPĆINSKI NAČELNIK
SLUŽBA ZA INVESTICIJE I
POSLOVE MJESNIH ZAJEDNICA
Broj: 03-04-3668/21
Lukavac, 30.11.2021. godine

Na osnovu člana 64. stav (1). tačka a), člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14) te Preporuke Komisije za provođenje postupka javne nabavke broj: 03-04-3668/21 od 29.11.2021. godine u otvorenom postupku javne nabavke usluga za izradu Glavnog projekta noveliranja dijela ulice Osmi mart od Bistaračke ulice do pružnog prelaza, sa izradom kružnog toka na križanju ulica Osmi mart, Bistaračka i Prvomajska, Pomoćnik općinskog načelnika za Službu za investicije i poslove mjesnih zajednica d o n o s i

O D L U K U **o izboru najpovoljnijeg ponuđača**

Član 1.

Prihvata se preporuka Komisije za provođenje postupka javne nabavke broj: 03-04-3668/21 od 29.11.2021. godine, te se Ugovor za javnu nabavku usluga za izradu Glavnog projekta noveliranja dijela ulice Osmi mart od Bistaračke ulice do pružnog prelaza, sa izradom kružnog toka na križanju ulica Osmi mart, Bistaračka i Prvomajska dodjeljuje ponuđaču „PPG“ d.o.o Sarajevo, koji je dostavio ponudu broj: 1408/21 od 06.10.2021. godine, za ponudenu cijenu u vrijednosti od 4.560,00 KM bez PDV-a i rokom plaćanja 60 (šezdeset) dana od dana prijema računa, kao najpovoljnijem ponuđaču.

Član 2.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 03-02-3667/21 od 16.09.2021. godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 8.000,00 KM.

Obavještenje o nabavci broj: 719-1-2-101-3-133/21 objavljeno je na Portalu javnih nabavki dana 20.09.2021. godine.

Komisija za provođenje postupka nabavke imenovana Rješenjem broj: 02-04-75-68/21 od 21.09.2021. godine dostavila je Zapisnik o pregledu i ocjeni ponuda broj: 03-04-3668/21 od 29.11.2021. godine, Preporuku o izboru najpovoljnijeg ponuđača broj: 03-04-3668/21 od 29.11.2021. godine i Izvještaj o radu broj: 03-04-3668/21 od 29.11.2021. godine.

Uvidom u Izvještaj o radu utvrđeno je da je Komisija za provođenje postupka nabavke izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljeno sedam blagovremenih ponuda, a da neblagovremenih ponuda nije bilo;
- da su ponude ponuđača: EDI-ING d.o.o Donji Vakuf, PPG d.o.o Sarajevo, FABRUM Solutions d.o.o Banja Luka, URBIS CENTAR d.o.o Banja Luka, INSTITUT ZA GRAĐEVINARSTVO, GRAĐEVINSKE MATERIJALE I NEMETALE d.o.o Tuzla i GEOPUT d.o.o Banja Luka kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način i
- da je ponudu ponuđača „TRAFFICON“ d.o.o. Odžak odbacila, jer je isti na strani 23. ponude dostavio običnu kopiju punomoći za Franju Pirkla, a koji je potpisao Izjave iz člana 45. i 52. Zakona o javnim nabavkama. Naime, tačkom 14.3. tenderske dokumentacije je određeno da ukoliko ponudu potpisuje lice po ovlaštenju ili ovjeru izjava od člana 45-52. Zakona o javnim nabavkama izvrši lice po ovlaštenju ponuđač je dužan u ponudi priložiti ovlaštenje za istog kao original ili ovjerenu kopiju. Kako je punomoć dostavljena kao obična kopija Komisija je ponudu na osnovu tačke 14. Tenderske dokumentacije i člana 68. stav 4. tačka i) Zakona o javnim nabavkama („Službeni glasnik BiH“, broj: 39/14) odbacila.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u tendersku dokumentaciju utvrđeno je da procijenjena vrijednost nabavke bez uključenog PDV-a iznosi 8.000,00 KM i da je kriterij za dodijelu ugovora ekonomski najpovoljnija ponuda u skladu sa niže navedenim potkriterijima:

- | | |
|-----------------------|------|
| a) Cijena | 98 % |
| b) Rok plaćanja | 2 % |

Ponuđač „PPG“ d.o.o Sarajevo je dostavio prihvatljivu ponudu sa cijenom u iznosu od 4.560,00 KM bez PDV-a i rokom plaćanja 60 dana od dana prijema računa, te je primjenom kriterija ekonomski najpovoljnije ponude isti osvojio 100,00 bodova i rangiran na prvo mjesto.

Zbog naprijed navedenog odlučeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Općina Lukavac-Služba za investicije i poslove mjesnih zajednica, Trg Slobode 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.

Dostaviti:

1. „EDI-ING“ d.o.o Donji Vakuf,
2. „PPG“ d.o.o Sarajevo,
3. „FABRUM Solutions“ d.o.o Banja Luka,
4. „URBIS CENTAR“ d.o.o Banja Luka,
5. „INSTITUT ZA GRAĐEVINARSTVO, GRAĐEVINSKE MATERIJALE I NEMETALE“ d.o.o Tuzla,
6. „GEOPUT“ d.o.o Banja Luka,
7. „TRAFFICON“ d.o.o Odžak i
8. Arhivi.-

PO OVLAŠTENJU OPĆINSKOG NAČELNIKA
POMOĆNIK OPĆINSKOG NAČELNIKA

(ovlaštenje broj: 02-30-6245/20 od 21.12.2020.god.)

Emir Begić, dipl. ecc.

